

مجموعه ایدیلان

ادبی و سیاسی رسالهٔ اسبوعیه در

۳۱ نجی سنه

۲۶ صفر ۱۳۳۰

پنجشنبه

جزء عدد : ۱۳۳

جمع قرآن

قرآن کریمک مصحف شریفده جمعی حقنده بزجه اڤ مشهور روایت جناب عثمانک جامع قرآن اولسندن عبارتدر [۱]. حقیقت حالده ایسه قرآنک صدوردن سطورده نقلی صرف عمر بن الخطابک رأی و تکلیفی و جناب ابوبکرک تصویب و امری ایله کاتب وحی زید بن ثابت انصاری طرفندن ایفا ایدلمشدر . بو جهتله حضرت عثمانه عطف ایدیلان جمع قرآن مادّسی شایان تصحیحدر .

تبعات و استقرآتی جمهور علما عندنده متفق علیه اولان ابی عبدالله البخاری کتاب (صحیح) نده جمع قرآن خصوصنی دخی عنعنّه رواته بناء ایلدیکی سند صحیح اوزرینه قید ایتمشدر، که خلاصهٔ حکمی وجه آتی اوزره در :

یمامده مرتدین ایله اولان مقاتله لرده قراء و حفاظ قرآنندن بر خیلی رجال شهید اولمش ایدی . بو حاله مطلع اولان جناب عمر، بر کون نزد ابوبکره گیدرک :

[۱] شعرلرمزدن بیله بوروایت ذکر اولنور . ضیا پاشانک ترکیب مشهورنده کی شو :
[انجام ایدی جامع قرآن شهادته] مصراعنده اولدینی کی .

— یمامه مقاتلاتنده قراء قرآنند بر خلیسی مقتول اولدی . بونلردن دها بر چوق
برلرده . بر جوخی غائب اوله جق . بنم رأیمه قالیرسه قرآنک جمنی امر ایتمیسک —
دیمش . و جناب خلیفهده : — رسول اللهک یامدینی برایشی بن فصل یابه ییلیم ؟ —
قولیلله اظهار معذرت ایلدیکندن ، عمر تکرار : — والله بوایش خیر محضدر . —
دیمکله برابر ، ابوبکره طمانینت قلبیه حاصل اولنجیه قدر اقناعیات والاحاحاتنده
دوام ایلس .

نهایت خلیفه حضرت تلی اصحابک الک کنجی اولان زید بن ثابت انصاری بی
زیدنه دعوتله ، عمر دخی حاضر اولدینی حالده آنک تکلیفی جناب زیده حکایه
ایتمش . و : « سن خدمتکنده هیچ بر صـ ورتله اتهام اولنماش عاقل بر کنجسک
و رسول اللهک (صلعم) کاتب و حییسک . بناء علیه قرآنی تبیع و جمعه سنی . أمور
ایلدیم . » دیمش .

جناب زید بواصری تلقی ایدنجیه : — والله بویر امر خطیردر که عندمده جبال .
ارضندن برینی نقل ایله مکلف اولمقدن اتقل و اعظمدر . جناب پیغمبرک یامدینی
برایشی بن یامغه فصل قدر تیاب اوله ییلیم . — جواخی و برمش .

خلیفه حضرت تلی . حضرت فاروقک دیدیکی وجهله — والله بوایشده خیر
کثیر وارد — قولیلله امرینی تأکید ایلدیکندن زیدده دخی اطمئنان حاصل اولمشدر .
بناء علیه مدینهده موجود اولان حفاظی جمع ایدرک آنلرک حفظده اولان آیاتی
اؤلا (عسب) ۱ و (لحاف) و (ادیم) اوزرینه یازلمش اولان آیاتی جمع ورتیه
باشلادی ۲ .

ذات پیغمبری ، وحی و قوعنده کتاب و حیه عاقد اولدقلری سورمینی و سورمه نک
هانکی آیتندن مقدم و یا مؤخر اولدینغی خبر و برلردی .

۱ (عسب عین و سینک ضمه لرله بایراقلری صیرلمش خرما شاعلرینه دینورکه آنک
اکلی اولان قسمنه اوائلده یازی یازارلردی . قرآن نازل اولدقجه کتاب وحی کاهیجه بونلره .
تحریر آیات ایدرلردی .

۲ (لحاف) ، کتاب وزندده بیاض و آنجه طاشلره دینورکه اوائلده یازی یازمده
استعمال اولنوردی . زمانزدکی سیاه لوحه لرکی . (ادیم) دباغت اولنماش چکی دریسنه
دینور . قرآن نازل اولدقجه کتاب وحی ، بو اوچشیدن هانکیسی بونورسه آکاتحریر ایدرلردی .

حين وحيدہ (بسم الله الرحمن الرحيم) ايله ابتداء ايدرلر سه آڭا تالى اولان
آيتك يڭى بر سورمه اشارت اولديغنى بيليرلر ايدى . و سورمه لرك اسملى طرف
نبويدن تعيين بيوريلردى .

بوجهتله سبور قرآنسه مبداء وحيدن منتهاي وحيه قدر ذاتاً مرتب ومعلوم
و صدور قراده محفوظ ايدى . بنساء عليه جناب زيد آيات محرده ومضبوطيه
طوبلا دقن صكره حفاظك هر ييله آرى آرى مقابله ايدى .

شوراسنى ايضاحه لزوم واردركه قرآن كريم . اليوم اولديغنى گي . ابتدادن
انتهايه قدر تماماً بر شخصك حفظنده دكلدى . بلكه بر سورمه نك يگر مى . اوتوز
آيتى . ديگر بر سورمه نك نصفى و يا تمامى و يا خود مستقل بر قاچ سورمه ي بر ذات
و يا بش اون ذات ازرلمش . و تعبير آخرله بر ذاتك حفظنده اولان بر سورمه
و يا بر سورمه نك بعض آياتى ديگر بر ذاتك دخى عينا مضبوطى ايدى .

ايشته زيد بن ثابت بوصورتله بر سورمه نك حاوى اولديغنى آياتى بش . و يا اون
و يا خود دها زياده رجال قرآنك حفظندن استماع واخذايله محررانه تطبيق ايدرك .
ترتيب واقعه كى اصابتى تشديد ايدردى .

بالكز سورة توبه نك نهايتنده اولان :

❖ لقد جاءكم رسول من انفسكم عزيز عليه ما عنتم حريص عليكم
بالمؤمنين رؤف رحيم ❖ فان تولوا فقل حسبي الله لا اله الا هو عليه توكلت
وهو رب العرش العظيم ❖

آيتلى ابى حزيمة الانصاريدن ماعدا بر فردك مضبوطى دكلدى . فقطينه بر (لحاف)
اوزرنده عينا محردى . بوايكى آيتده بوجهله اطلاع ايدرك كافه سورى محتوياتيله
جمع و ترتيبه موفوق اولدى .

بوجهله ۱۱۴ سورمه ي آرى آرى برر كيسه يه وضع ايدرك . اوزرلر يه
اسملى يازدقن صكره جهل سنى بر محفظه يه ادخالاً خليفه رسول الله تسليم

ایلدی، که شیخیں ایلہ عثمان و علی بالاتفاق بو محفظہ ناک بیت عایشہ ده حفظنی تنسیب
ایلدیلر .

محفظه مشارالہا ، بر مدت عایشه مکرمہ ناک ید امانتندہ قالدینی حالده ارتحال
صدیقده مشارالہا حضرتلری جناب فاروقہ خبر گوندردہ رک ، محفظه جلیلہ ناک بیت
حفصہ یہ نقانی التماس ایلدی ، آندن صکرہ . مصحف یازیلنجہ یہ قدر بیت حفصہ ده
قالدی .

§

عهد حضرت فاروقده دائره اسلام پک زیاده توسع ایلش ایلدی . شرقاً
خطه ایران و غرباً مصر و قروان هب داخل حوزه اسلامیان اولمش ایلدی .
زمان عثمانده ایسه ارمینہ ایلہ آذربایجان فتح اولدینی گئی . قراناک اکثری شامده
جمع اولمش و قرائت خصوصی خلیجہ تشتت حاصل ایتمش ایلدی . بناء علیہ جناب
خلیفہ بوکرده زید بن ثابت حضرتلرینی جلب ایدرک : - یهود و نصاراناک تشتت
توارث و انجیلی گئی ایلروده اختلاف قرائت سبیلہ قراناک دخی انحراف معانی بہ
اوغرماسنی تأمیناً بر مصحفده ضبطنی توصیه ایلدی . و چونکہ قرآن کریم (قریش)
لغتی اوزرہ نازل اولدیغندن و لسان عربک الک بلیغ شیوہ سی ، شیوہ قریش
بولدیغندن آیات قرآنیه نزولنده اولدینی و جہلہ اق شیوہ اوزرینسہ بر مصحفہ نقل
اولندی .

بو خدمتہ امر خلیفہ ایلہ زید بن ثابتک ریاستی آلتندہ عبداللہ بن الزبیر ،
سعید بن العاص و عبدالرحمن بن الحرث بن ہشام مأمور اولدقلرندن ، بودرت
ذات یدی مصحف شریف تحریر ایلدیلر . و سالف الذکر عسب و لحاف پارچہ لرینی
امر عثمان ایلہ احراق ایتدیلر .

بو یدی مصحفک بری مدینہ ده نزد خلیفہ ده قالہرق ، ایکہنجیسی مکہ یہ ،
اوچنجیسی شامہ ، دردنجیسی مصرہ ، بشنجیسی آذربایجانہ ، آلتنجیسی یمہ ، یدنجیسی
قادیسیہ ارسال قلندی .

بوگونگی کونده ایکی یوز میلونی متجاوز بولنان مسلینک ایدی ، احترامنده حائر توقیر وایجبال اولان ایکی اوچ یوز میلیون مصاحف شریفه ایشته بویدی اصلدن استنساخ اولغش و جناب حقه حد اولسون که بیگ اوچ یوز سنه دن بری حاوی اولدینی آیات دکل ، حتی برکله سی بیله تخریف ایدلماشدر .

بویدی مصحف شریف خطّ (حیری) ایله مکتوب بولمیشدر . خط حیری ، عربک قبل الاسلام (حیره) ده (سریانی) دن اخذ و اتخاذا ایتدکلری حروفدر ، که ایوم کافه مسلینک استعمال ایتدیکی الفبای عربیه در . مؤخرأ کوفده التباس ایتدیکی طرز دن طولانی (خط کوفی) نامنی آلمشدی . یوقسه اشکال واعداد و اسمی حروفی قبل الاسلام زبازرد اولدینی صورتدن و متعارف بولندینی شکل ترکییدن قطعاً ایرلماشدر .

§

خزینة عثمانیه ده محفوظ بولندینی مروی اولان و « فسیکفیکهم الله » آیتک اوزرنده خون عثمان بولنان مصحف ، بالاده بیان اولنان یدی مصاحف شریفه دن مدینه ده آلیقونیلان مصحف شریفدر .

حضرت عثمانک جامع قرآن عدایدلمسی شایان تصحیحدر دیمش ایدک . چونکه قرآنک جمعی حضرت عمر رأی ایتمش و ابوبکر حضرتلری ده بورأنی تصویب ایله جمعی امر ایلمش .

زمان عثمانیه ایسه انتشاریله برابر توحید قرآنی مقصدیله مصحف شکلی آلمشدر . بناء علیه حضرت عثمانه (جامع قرآن) اطلاقی بوندن غلطدر .

گرك عثمانک ، گرك امام علینک خطلریله بعض مصحف بولندینی حقه ده کی روایت دخی صکره دن ترتیب اولغش روایات مخترعه دندر . برکره حسب الشیخوخه جناب عثمان ، یازی یازمه یه حق قدر عارضه ضعف بصره مبتلا اولمش ایدیلر .

ثانیاً امام علی ، شهادت عثماندن صکره تحریر مصحفه دکل ، آسایش بال ایله بریرده بش اون گون اقامت و استراحتیه بیله وقت بوله ماماشلردی .

(جل) و (صفین) وقعه لری حضور واستراحتی دکل، جمعیت خاطری بیله
 سلب ایدن انواع انفعالاتی جالب بولنش ایدی . بناء علیه بوروایت واسنادلر
 مؤخرأ بعض جهله امراي اغفال ایدرک مقابلنده نائل عطایا اولمق امنیه سیله برطاقم
 آدملرک اختراع واسناد ایندکلری محفلردن طولانی اولدینی وارسته اشتباهدر .
 حضرت علینک اولمق اوزره ، انکلترونک (بریتش موزه اوم) کتابخانه سنده
 هنددن نقل اولنش بر محف شریف وارددر، که کاغذ اوزرینه محرر بولنشدر .
 واقعا خط کوفی ایله محرردر . حال بوکه صدر اسلامده ممالک عربیه ده دکل ،
 اوروباده بیله کاغذ مجهول ایدی . اوائلده کی محفلر هپ (ترشه) دیدیکمز قوزی
 دریسندن ممول صحیفه لره یازیلر ایدی . بو صحیفه لر ایسه شمعیکی طرز معروف
 اوزره طولانی دکل ، عربانی ایدی .

ابوالضیا

